



SIARAN MEDIA

Semakan Status Kelulusan Rayuan Bantuan Prihatin Rakyat (BPR) Mulai 18 September 2021

SIARAN MEDIA | 17 SEPTEMBER 2021



KENYATAAN MEDIA

MENTERI KEWANGAN KEMENTERIAN KEWANGAN MALAYSIA

Sukacita dimaklumkan bahawa semakan status kelulusan rayuan BPR boleh dibuat mulai **18 September 2021** di Portal BPR, bpr.hasil.gov.my. Pembayaran rayuan BPR ini akan melibatkan hampir 200 ribu penerima BPR dengan anggaran peruntukan sebanyak RM240 juta. Pembayaran akan dikreditkan terus ke akaun bank yang didaftarkan semasa permohonan rayuan BPR pada **penghujung September 2021 bersekalikan dengan penerima bayaran BPR Fasa 3**.

Kerajaan telah mengemaskini data golongan B40 yang layak menerima Bantuan Prihatin Rakyat (BPR) melalui permohonan rayuan BPR yang dibuka pada 15 sehingga 30 Jun 2021. Permohonan rayuan ini telah diverifikasi semula oleh Lembaga Hasil Dalam Negeri (LHDN) untuk memastikan inisiatif bantuan tunai ini dapat disalurkan dan dimanfaatkan oleh golongan yang benar-benar layak.

Kerajaan berharap bantuan tunai yang secara keseluruhannya **berjumlah RM17.1 bilion sehingga hujung tahun ini boleh** membantu keluarga Malaysia menampung dan menguruskan perbelanjaan penting mereka.

Selaras dengan pengumuman kelulusan rayuan BPR ini, Kerajaan turut memberi peluang kepada golongan yang lulus rayuan BPR menyertai Program Jaringan Prihatin. Oleh itu, **tarikh akhir pendaftaran dan penebusan program ini akan dilanjutkan sehingga 30 September 2021**. Pelanjutan ini juga bertepatan dengan situasi semasa dan memberi ruang dan masa kepada mereka yang perlu mendaftar dan menebus telefon mereka di kedai secara fizikal.

Kerajaan sentiasa komited untuk memastikan program yang disediakan menepati kehendak golongan sasaran dan memudahkan pembelajaran anak-anak golongan B40 mendapatkan pakej telekomunikasi ataupun pakej peranti mudah alih. Sokongan ini diharapkan dapat menjamin pembelajaran yang lebih lancar dan kondusif.

YB Tengku Datuk Seri Utama Zafrul Tengku Abdul Aziz
Menteri Kewangan
17 September 2021

LAMPIRAN

Ringkasan jumlah dan tarikh bayaran bantuan tunai Kerajaan pada tahun 2021 adalah seperti berikut:

BANTUAN TUNAI	TARIKH BAYARAN	JUMLAH
Bantuan Prihatin Nasional (BPN) 2.0 Fasa 2	Januari 2021	RM2.4 bilion
Bantuan Prihatin Rakyat (BPR) Fasa 1	Februari/Mac 2021	RM1.93 bilion
Bantuan Prihatin Rakyat (BPR) Fasa 2	Mei 2021	RM2.75 bilion
Bantuan Prihatin Rakyat (BPR) Tambahan	Jun/Julai 2021	RM2.1 bilion
Bantuan Khas COVID-19 (BKC) Fasa 1	September 2021	RM3.1 bilion
Bantuan Prihatin Rakyat (BPR) Fasa 3 dan Rayuan BPR	September 2021	RM2.82 bilion
Bantuan Kehilangan Pendapatan (BKP)	Oktober 2021	RM0.5 bilion
Bantuan Khas COVID-19 (BKC) Fasa 2	November 2021	RM0.3 bilion
Bantuan Khas COVID-19 (BKC) Fasa 3	Disember 2021	RM1.2 bilion
JUMLAH		RM17.1 bilion

Bantuan Prihatin Rakyat

BPR

 [Siaran Media](#)

 [Koleksi Ucapan](#)

 [Petikan Akhbar](#)

 [Foto](#)

 [Video](#)

 [Pengumuman](#)

 [Laporan LAKSANA](#)

 [Tender](#)

POPULAR TAGS

[BERNAMA](#)

[TENGKU ZAFRUL](#)

[LAPORAN LAKSANA](#)

[COVID-19](#)

[BAJET 2022](#)

[PRIHATIN](#)

[PENJANA](#)

[KELUARGA MALAYSIA](#)

[TEAM MOF](#)

[KONSULTASI BAJET 2022](#)

[PEMERKASAAN PERNIAGAAN](#)

[PRICE OF PETROLEUM](#)